



II PREMIO XOSÉ NEIRA VILAS DE LITERATURA XUVENIL



A Fundación Xosé Neira Vilas e Editorial Galaxia, coa colaboración da Consellería de Cultura, Lingua e Xuventude da Xunta de Galicia, co obxectivo de estimular a creación literaria, fomentar a lectura en lingua galega e proporcionar ao público xuvenil obras de calidade que o acheguen aos mundos da ficción e a imaxinación da novela, convocan o presente premio, segundo as seguintes bases:

1º Poderán concorrer ao premio as autoras e autores que presenten os orixinais escritos en lingua galega (de conformidade coas *Normas ortográficas e morfolóxicas do idioma galego* aprobadas pola RAG) de obras de creación literaria adscritas ao xénero de novela e dirixidas ao lectorado xuvenil.

As obras deberán ser inéditas en todos os formatos, xa sexa na súa totalidade ou parcialmente, e non premiadas con anterioridade ou simultaneidade en ningún outro certame.

A extensión dos orixinais abranguerá entre un mínimo 120.000 caracteres e un máximo de 200.000 caracteres, incluídos espazos, aínda que o xurado poderá considerar con flexibilidade esta condición, conforme á calidade da obras.

2º De cada obra presentaranse cinco copias en papel, mecanografadas a dobre



espazo, tipografía Times New Roman, corpo 12, con índice incluído (de o precisar) e debidamente encadernadas, acompañadas dun USB, ou calquera outro soporte informático, onde que se incluírá a obra en formato PDF.

Estas copias deberán presentarse baixo lema, e sen ningún tipo de dato que identifique o seu autor/a, e achegarse con elas unha plica, nun único sobre pechado, cos seus datos persoais, así como o título da obra.

3º O prazo de recepcións das obras finalizará o día 15 de xaneiro de 2026, e deberán enviarse á sede administrativa da Editorial Galaxia, Travesía de Vigo 71, 36206 Vigo..

4º O premio, que poderá declararse deserto, se o xurado estima que ningunha das obras presentadas acadará a suficiente calidade literaria, considerará unha única obra gañadora, á que se lle asigna unha dotación económica de seis mil euros (6.000 euros), suxeitos aos correspondentes impostos. Tamén poderá destacar unha obra como finalista e recomendar a súa publicación, se así o considera oportuno, facéndose público o título e autoría, unha vez aberta a plica.

A contía do premio inclúe os dereitos de autor da primeira impresión da obra gañadora. A partir da segunda, a explotación comercial do libro premiado xerará o 10 por cento de dereitos, segundo contrato estándar de edición asinado con Editorial Galaxia, que se encargará da edición e publicación da obra premiada nunha das súas coleccións xuvenís. Así mesmo publicarase en edición dixital, que xerará dereitos de autor dende a primeira descarga.



Ademais, o xurado destacará unha obra como finalista que será publicada por Editorial Galaxia nunha das súas coleccións xuvenís, asinando co seu autor/a un contrato de edición estándar rendendo o 10 por cento de dereitos de autor.

5º Editorial Galaxia terá preferencia durante seis meses, dende a data de resolución do premio, para a adquisición dos dereitos das obras que considere con interese para publicar e que non obtivesen o premio nin fosen finalistas, estando autorizada a abrir as plicas deses orixinais. A publicación da obra farase previa subscrición do correspondente contrato estándar co seu autor/a.

6º O xurado conformarase por cinco membros de recoñecido prestixio na literatura xuvenil, dous escollidos pola Fundación Neira Vilas, dous por Editorial Galaxia, un dos cales realizará funcións de secretario, e un pola Secretaría Xeral da Llingua. A súa composición farase pública no momento da resolución do premio, o 2 de abril de 2026, día do Libro Infantil e Xuvenil.

7º A participación na convocatoria implica a aceptación das presentes bases e que a súa interpretación corresponde en exclusiva ao xurado que emitirá o seu ditame con carácter inapelable.

8º As obras non premiadas serán destruídas.